

治禪病密要法

【 宋一居士沮渠京聲譯 】

光明王勝幢陀羅尼

Namo buddhāya. Namo dharmāya. Namaḥ saṃghāya. Namo maharṣi vidyā-rājāya. Dvā-saptaty upāyāsa bandha vajra-asi dara kuṭṭāka chide, jvale jvale mahā-jvale śamane, manaḥ-saṃkalpa stambhane bhañjane, sarva ajñāna-avṛta kleśa-āvaraṇa kṣayante, citta-bhrama vi-naye, kṣaye kṣaye, śamane śamane svāhā.

喃謨(引)佛陀(引)耶喃謨(引)達磨(引)耶喃莫僧伽(引)耶喃謨(引)摩訶(引)利史(二合)尾地也(二合引)囉(引)闍(引)耶度囉(二合)薩鉢多(二合)底庾(二合)波(引)也(引)娑滿馱跋闍囉(二合引)悉陀囉俱吒(引)迦掣提(引)入囉(二合)隸入囉(二合)隸摩訶(引)入囉(二合)隸(引)捨磨呢(引)摩諾僧迦擺波(二合引)娑耽(二合)婆呢(引)伴闍呢(引)薩囉阿惹壤(二合引)那(引)尾唎(二合)多計隸(二合引)捨(引)囉囉拏計灑(二合)演帝(引)質多沒囉(二合)麼尾那曳(引)計灑(二合)曳(引)計灑(二合)曳(引)捨磨呢(引)捨磨呢(引)娑囉(二合引)訶(引)

爾時世尊說此咒已，告舍利弗言：如此神咒，過去無量諸佛所說，我今亦說，未來彌勒、賢劫菩薩亦當宣說。此神咒功德，如自在天，能令後世五百歲中，諸惡比丘，得淨心意，調和善治，四大增損，亦治心內四百四病，四百四脈所起境界，九十八使性欲種子，亦治業障，犯戒諸惡，永盡無餘。此名《善治七十二種病憂惱陀羅尼》、亦名《拔五種無明根本陀羅尼》、亦名《現前見一切佛及諸聲聞為說真法破諸結使》。爾時世尊，即說偈言：

法性無所依	觀空亦復然	若能觀四大	不為使所殺
服藥行禪定	誦此陀羅尼	一心念諸佛	結使永不起
煩惱海永盡	恩愛河亦絕	諸欲無所因	自獲得解脫
無患心恬适	遊戲六神通	亦以陀羅尼	教授於他人

爾時世尊說此偈已，告舍利弗言：汝今當知，我涅槃後，未來世中，若有比丘、比丘尼、優婆塞、優婆夷，得聞此甚深祕要淨尸羅法，及行禪定諸病方藥，此《光明王勝幢陀羅尼》，當知此人，不於一佛、二佛、三四五佛種諸善根，久於無量百千佛所，修習三種菩提之心，今得聞此甚深祕要，如說修行，

當知是人，得最後邊身，如順水流，速疾當得四沙門果及菩薩行。佛說是語時，五百釋子，倍更增進，獲六神通，舍衛城中，一千首陀羅，宿世行禪發狂者，聞佛所說，即生歡喜，得須陀洹。八十億諸天，四大病得治，身心無患，應時即發無上道心，普雨天花，以散佛上，及諸大眾。爾時會中天龍八部，聞佛所說，異口同音，而說是言：如來出世，正為治此狂惡邪見羅刹行人，令得本心，如好花幢，甚可愛樂。善哉！世尊！如優曇花，時乃一現。時會大眾，以偈讚言：

日種王太子	甘蔗之苗裔	星光月外甥	摩耶夫人子	生時行七步
足躡動大千	十方諸神應	嘉瑞三十二	棄國如涕唾	坐於菩提樹
金剛勝道場	降伏萬億魔	得成菩提道	面淨如滿月	心垢亦永盡
我今一心禮	諸釋中最勝	具勝慈悲者	能令諸眾生	永脫生死苦

爾時世尊，聞諸四眾說此偈已，復伸金色手，摸舍利弗及阿難頂，付囑是事。時舍利弗及阿難等，并餘大眾，聞佛所說，歡喜奉行。

轉譯自：

《治禪病密要法》（二卷）一宋一居士沮渠京聲譯。《大正新修大藏經》第十五經集部部二第三四零頁。藏經編號 No. 620.

(Transliterated on 5/4/2011 from volume 15th serial No. 620 of the Taisho Tripitaka by Mr. Chua Boon Tuan (蔡文端) of Rawang Buddhist Association (萬撓佛教會). 8, Jalan Maxwell, 4800 Rawang, Selangor, West Malaysia.)

Residence Tel : 603-60918722 [Monday to Sunday after 10.30 a.m.]

Handphone : 6016-6795961. E-mail : chuaboontuan@hotmail.com

Revised again on 5/6/2014.

讀者如想知所念誦之陀羅尼可獲得的利益或修法，請參考密部大藏經。《大正新修大藏經》可在網上下載，其網址為：<http://www.cbeta.org/>

萬撓佛教會網址：<http://www.dharanipitaka.net/2011/2008/>

注：有關咒語的讀音問題請安裝 Skype 軟件用免費互聯網電話聯繫，我的 Skype 名為：chua.boon.tuan